

**UDALBATZAK 2011KO OTSAILAREN 25EAN EGINIKO OHIKO OSOKO
BILKURARI DAGOKION AKTA**

Errenteriako Udaleko bilkura-aretoan, bi mila hamaikako otsailaren hogeita bosteko 08:30 zirela, lehenengo deialdian eta Juan Carlos MERINO GONZALEZ alkate jaunaren esanetara, ondoko zinegotziak elkartu dira:

- Joaquin ACOSTA PACHECO
- M^a del Mar CARRILLO GASCON
- Silvia ASTO RGA MARTÍNEZ
- Joseba ECHARTE MARTIN
- Jose Angel RODRIGUEZ MEDINA
- Mikel DURAN GONZALO
- Luis Ignacio ANDRES JIMENEZ
- Juan Carlos MURUA ROMA
- Itsasne ALVAREZ DE EULATE LASA
- Luis Santiago ANGULO MARTIN
- Agustina Ana CANO CEREIJO
- Iñaki QUERALT COIRA
- Gorka MAUDES MIGUELTORENA (Jakinarazten da bilkuratik alde egin zuela 6. puntuan, Galdera-eskaeranean).
- Maite PEÑA LOPEZ
- Venancio GRAVINA ESNAL
- Jose Manuel FERRADAS FREIJO
- Jose LEGORBURU AYESTARAN
- Lucia PERALTA RODRIGUEZ
- Joxe BURGOS VIÑARAS

Ez da etorri, gaixo zegoelako, baina ezinetorria adierazi du M^a Angeles BASTOS FERNANDEZ andreak.

Bertan dago, egintzaz fede emateko, Francisco Javier LESCA EZPELETA idazkari jauna.

1.- Udalbatzak 2010eko azaroaren 26an eginiko ezohiko bilkurari eta, urte bereko azaroaren 26an eta abenduaren 23an egindako ohiko bilkurei dagozkien akten irakurketa eta onespena, bidezkoa bada.

Udalbatzaren 2010eko azaroaren 26an eginiko ezohiko bilkurari eta, urte bereko azaroaren 26an eta abenduaren 23an egindako ohiko bilkurei dagozkien aktak irakurri ondoren.

* Cano andreak (atxiki gabeko zinegotziak) esan du azaroaren 26ko aktan jasota dagoenari buruz ez dutela ezer esatekorik, baina aitatu nahi du Udalbatza hartan, Komitearen izenean, komitekide bat saiatu zela hitz egiten bateragarritasun-afera ikusi zen unean, eta gero, baita Galdera-eskaeratan ere, baina Alkate jaunak ez zion parte hartzen utzi. Eta aktan horren inguruan ez denez ezer aitatzen, eurek uste dute intzidentzi hori jaso beharko litzakeela.

* Merino alkate jaunak (Socialistas Vascos-Euskal Sozialistak) esan du Enpresa Komiteko partaide bat hitz egiten saiatu zela, baina berak, Alkatea izanik, ez zegokiola esan zion. Gaineratu duenez, aktetan oinarritzkoena da gaia, talde bakoitzaren jarrera eta konklusioak jasotzea. Akta ez da hitzez hitz jasotzen, eta beraz, ondo idatzia eta jasota dagoela uste du.

* Cano andreak (atxiki gabeko zinegotziak) esan du eurek literalitatearekiko ez dutela ezer esan. Intzidentea baino intzidentzia izan zen. Hori gertatu zen eta euren aburuz jaso beharko litzateke, eta besteek ez badute hala ikusten, eurek ez dute akta hori onartuko.

* Merino alkate jaunak (Socialistas Vascos-Euskal Sozialistak), berriro dio, bilkurako eztabaidari dagokionez, ez dela oinarritzko ezer falta, eta beraz, hori ipiniko du bozkatzeko.

Mintzaldiak amaitutakoan.

2010eko azaroaren 26an eginiko ezohiko bilkurari dagokiona bozkatu dute.

Udalbatzak, aho batez,

E R A B A K I D U

- Onartzea 2010eko azaroaren 26an eginiko ezohiko bilkurari dagokion akta.

Ondoren, 2010eko azaroaren 26an eginiko ohiko bilkurari dagokiona bozkatu dute.

Udalbatzak, gehiengoz, aldeko 12 botorekin (Socialistas Vascos-Euskal Sozialistak, EAJ/PNV, PP eta Alkarbide), 2 abstentzioz (Ezker Batua-Berdeak) eta aurkako 6 botorekin (atxiki gabeko zinegotziak),

E R A B A K I D U

- Onartzea 2010eko azaroaren 26an eginiko ohiko bilkurari dagokion akta.

Jarraian, 2010eko abenduaren 23an eginiko ohiko bilkurari dagokiona bozkatu dute.

Udalbatzak, aho batez,

E R A B A K I D U

- Onartzea 2010eko abenduaren 23an eginiko ohiko bilkurari dagokion akta.

2.- Ondorengo ebazpenen berri ematea: Alkatetzarenak (2011ko 57 zk.tik 159 zk.ra, biak barne), Zinegotzi-ordezkariek (2011ko 114 zk.tik 349 zk.ra, biak barne) eta Tokiko Gobernu Batzordearenak.

Ondorengo ebazpenen berri eman da: Alkatetzarenak (2011ko 57 zk.tik 159 zk.ra, biak barne), Zinegotzi-ordezkariek (2011ko 114 zk.tik 349 zk.ra, biak barne) eta Tokiko Gobernu Batzordearenak.

* Murua jaunak (Atxiki Gabeko Zinegotzia) esan du Alkatearen ebazpenen artean badaudela bi, 156 eta 157 zenbakiak dutenak, harridura sortzen dutenak. Azken finean, begiratzen badituzte ebazpenak data berdina edukitzen dute bi zutabetan, baina aitatu dituen bi horietan data erabat desberdina da, izan ere, ebazpena ematen den eguna abenduaren 31 da eta irteera-eguna, berriz, hil bat eta erdi beranduagokoa da. Hortaz, zein izan den horretarako arrazoa jakitea gustatuko litzaieke.

* Merino alkate jaunak (Socialistas Vascos-Euskal Sozialistak) esan du berak zera adieraz dezakeela: urte amaieran aurrekontua ixten dela, baina itxiera ofiziala eta behin betikoa otsaila amaiera aldera egiten dela. Gaineratu duenez, urte amaieran ixteko egin beharreko kreditu-aldaketak egiten dira, zeren eta, partida zenbaitek 1000 euroko gora-beherak izan ditzaketelako, Kontu-hartzaileak kreditu-aldaketa horiek egiten ditu. Eta zergatik duen otsaileko data, ba, berak ez daki, baina uste du Kontu-hartzaileak usaian egiten dituen eginkizunen barruko konturen bat izango dela.

Udalbatza jakinaren gainean geratu da.

3.- Proposamena: Oiartzun ibaiko eskuineko aldean dagoen eremuari, hots, Oiartzungo udal eremu eta Fanderia auzo artean dagoenari (lehen "Villa M^a Luisa" enpresako haztegiak zeuden lekuari (39 Sektorea: Lartzabal/Arragua)) Schorndorf parkea izena jartzea.

Aurrerakinak.-

Udalbatzak, 2011ko urtarrilaren 28an eginiko bilkuran, besteak beste, erabaki zuen Oiartzun ibaiko eskuineko aldean eta Fanderia auzo artean dagoen eremuari **Schorndorf parkea** izena emateko egin beharrekoak egitea.

Xabier Agirre udal arkitektoak, 2011ko otsailaren 10ean, gai horri buruzko txostena egin zuen. Bertan adierazten du eremu hori Lartzabal-Arraguako 39 sektorean kokatuta dagoela eta lehengo "Villa M^a Luisa" enpresaren haztegiko eremuak direla, egun izenik ez duen parke publikoa, eta beraz, izen hori jar dakiokela.

Hirigintza Batzordearen proposamena ikusitakoan.

Mintzatu dira:

* Ferradas jaunak (Ezker Batua-Berdeak) esan du bere taldeko partaideek proposamen honen aldeko bozka emango dutela, alabaina, berriro gogorazten du, aurreko osoko bilkuran eta Hirigintza Batzorde batean egin zuen bezala, aurreko urteko maiatzean Udal honek, aho batez, herriko kale edo plaza bati Miguel Hernández izena ipintzea erabaki zuela. Gaineratu duenez, kontua ez da esandakoa bakarrik, baizik eta memoria historikoa errebindikatzea eta izena ipintzea denek bidegabea eta anakronikotzat jotzen duten erregimen baten injustizia jasan zuten pertsona guztiei, gainera asko herri honetakoak. Beraz, bada, berriro eskatzen du, ahalik eta lasterren, izena emateko eta Udal honek harturiko akordioa betetzeko.

* Merino alkate jaunak (Socialistas Vascos-Euskal Sozialistak) esan du konpromiso horrek bere horretan jarraitzen duela. Orain, senidetzearen afera sartu da tartean, baina aukera duten bezain agudo konpromiso hori beteko dute.

* Queralt jaunak (Atxiki Gabeko Zinegotzia) esan du Miguel Hernándezi kale-izen bat ipintzea onartu zenean, eurek aitatu zuten kale-izendegian hutsune bat zegoela, hain zuzen emakumeen izenak goraiatzeko. Eta gogorazi nahi dute orduan aurrerantzean kale-izenak ipintzeko garaian berdintasun-irizpideak erabiltzeko eskaera egin zutela, baina eurek planteatzen zutena oraindik ez da aurrera eramán. Bestalde, Lousada herriarekin senidetzea dela-eta ezarritako monumentua usteltzen ari da, hain zuzen haiek oparituriko kupela erortzeko zorian dagoelako. Horregatik, berak espero du Schorndorf-ekin egiten ari den guztia ez dela usteltzen utziko.

* Merino alkate jaunak (Socialistas Vascos-Euskal Sozialistak) esan du emakumearen gaiarekin Miguel Hernándezen aferarekin emaniko erantzun bera eman behar duela: akordioa hartu zutenetik, gaurko kontua izan ezik, ez dute aukerarik izan. Inondik inora ez dute baztertuta uzteko asmorik, aitzitik, uste du gai horretaz denak bat datozen sentsibilitate bat dagoela. Lousadakoari dagokionez, berriz, berak ikusi du nola dagoen eta berrituko dutela esan diote. Ez du uste Lousadatik bidalitakoa denik, nahiz eta berdin den, berritu behar delako. Lousadatik bidalitakoa zutik dagoena da, dolare antzekoa dena, kupela Udalarena da, gaineratu du. Hiri Mantentze Sailari berritu behar dela jakinarazi diote, egin badaiteke, ezen ez baitute ahaztu behar kanpoan dagoela, askotan berritua izan dela eta noiz arte iraungo duen.

* Queralt jaunak (atxiki gabeko zinegotziak) esan du eurek kezkatzen dituela izen bat ipintzeko lehenbiziko aukera izan

dutenean ez jartzea Miguel Hernández edo emakumeren baten izena berdintasun-irizpideei jarraiki.

Mintzaldiak amaitutakoan.

Udalbatzak, gehiengoz, aldeko 14 botorekin (Socialistas Vascos-Euskal Sozialistak, EAJ/PNV, Ezker Batua-Berdeak, PP eta Alkarbide) eta 6 abstentziaz (atxiki gabeko zinegotziak),

E R A B A K I D U

- **Schorndorf parkea** izena jartzea Oiartzun ibaiko eskuineko aldean eta Fanderia auzo artean dagoen eremuari (Lartzabal-Arraguako 39 sektorean jasota dagoena), hain zuzen lehengo "Villa M^a Luisa" enpresaren haztegiko lekuari (erantsita doan planoan grafiaturik dagoen gisan).

4.- Proposamena: Euskararekin zerikusia duten jarduera eta programak gauzatzearren diru-laguntzak emateko deialdia eta oinarriak arautzen dituen ordenantzaren bigarren aldaketaren behin-betiko onespena.

Udalbatzak 2010eko azaroaren 26an eginiko osoko bilkuran hasierako izaeran onartu zuen Euskararekin zerikusia duten jarduera eta programak gauzatzearren diru-laguntzak emateko deialdia eta oinarriak arautzen dituen ordenantzaren bigarren aldaketa.

Erabaki hori 2010eko abenduaren 9ko Gipuzkoako Aldizkari Ofizialean, 234 zk.an, Udal honetako iragarki-oholean eta herriko prentsan argitaratu zen.

Jendaurreko erakusketa epean (abenduaren 10etik urtarrilaren 17ra, biak barne) iradokizunak egiteko idatzi bakarra jaso da, hain zuzen erregistroan 15260 sarrerako

zenbakia duena. Erreklamazio hau Errenteriako Berdintasunerako kontseiluak egin du.

Euskarako teknikari-koordinatzaileak 2011ko urtarrilaren 19an iradokizunei buruzko txostena eman du.

Era berean, 2011ko urtarrilaren 24an, Udal aholkulari juridikoak gaiari buruzko txosten juridikoa egin du.

Euskara Batzordearen proposamena ikusitakoan.

Mintzatu dira:

* Angulo jaunak (atxiki gabeko zinegotziak) esan du eurek aldeko bozka emango dutela, alabaina azpimarratu nahi ditu Berdintasunerako Kontseiluak proposaturiko hainbat irizpide, ez soilik euskararen kasuan, baita Udaleko beste hainbat arloetan ere (kultura, kirola, hezkuntza...), hain zuzen garrantzi handiko bi puntu direlako. Horrela, esaten da ezin izango direla diru-laguntzen onuradun izan, bideak aukeratzeko prozesuan, sexuaren ziozko berezikeriak eragiten duten elkarte edo erakundeak. Eta bestalde, emakumeek gizonekiko berdintasunean parte hartzea onartzen ez duten edo oztopatzen dituzten jarduerak antolatzen dituzten elkarteak. Hau dio, zoritxarrez, herrian horrelako elkarteak badaudelako, eta zoritxarrez, Udalak elkarte horiei diru-laguntzak ematen dizkielako.

* Merino alkate jaunak (Socialistas Vascos-Euskal Sozialistak) esan du oso aproposa iruditzen zaizkiola hark esandakoak, baina orain beste gauza bat ari direla eztabaidatzen.

Mintzaldiak amaitutakoan.

Udalbatzak, aho batez,

E R A B A K I D U

1. Onartzea Errenteriako Berdintasunerako Kontseiluak euskararekin zerikusia duten jarduera eta programak burutzeko diru-laguntzak emateko deialdia eta oinarriak arautzen dituen Ordenantzaren bigarren Aldaketari egindako iradokizunak.

2. Behin betiko onespina ematea ordenantzaren bigarren aldaketari, Errenteriako Berdintasunerako Kontseiluak egindako iradokizunak jasota. Aldaketaren testua eranskin moduan doalarik.

3. Ordenantzaren 2. aldaketaren behin betiko onespenaren berri ematea Estatuko Administrazioari eta Euskal Autonomi Erkidegoko Administrazioari.

4. Ordenantzaren aldaketaren testu osoa Gipuzkoako Aldizkari Ofizialean argitaratzea, berri emana jaso eta 15 lanegun igaro ondoren.

5.- Proposamena: Errenterian Salmenta Ibiltaria arautzeko ordenantzari eginiko alegazioak ebaztea eta behin-betiko onespina ematea.

2010eko ekainaren 25ean, Udalbatzaren Osoko Bilkurak hasierako onespina eman zion Salmenta Ibiltaria arautzeko Ordenantzari.

Ordenantza arautzailearen hasierako onespina jendaurrean jarri zen 2010eko abuztuaren 16a arte.

Gipuzkoako Saltzaile Ibiltarien Elkarteak, jendaurrean egon beharreko epearen barruan, alegazio idatzia aurkeztu zuen 2010eko abuztuaren 12an.

Salmenta Ibiltaria arautzeko Ordenantzaren inguruan, Gipuzkoako Saltzaile Ibiltarien Elkarteak 2010eko abuztuaren 12an aurkeztu zuen idatzian, jasotako alegazioak kontuan harturik eman da ondorengo txostena.

Udal Aholkulari Juridikoak txostena egin du gai honi buruz 2011ko otsailaren 3an. Bertan, alegazioei dagokionez, zera erantzutea proposatzen du:

* Partzialki onartzea 13. artikuluari egindako alegazioa eta bertan jasotzen den baimenen iraupenaren epea bost (5) urtekoa izatea.

* Salmenta ibiltariaren Ordenantzaren 22 artikulua b) atalari egindako alegazioa partzialki aintzat hartzea, ondorengo idazketarekin:

" 22. artikulua, b) atala: Gainerako postuen adjudikazioa, artikulua honetako a) atalean esleitu gabe geratu direnekin batera, lehiaketa bitartez egingo da, Tokiko Gobernu Batzordeak horretarako onartzen duen Baldintza-agirian ezarritako balorazio irizpideen arabera.

Salmentarako onarturiko artikulua sailen arabera, zerrenda berezituak osatuko dira. Hori horrela, hautaketa prozesuan hautatuak izan arren, adjudikazioan saltokirik lortzen ez dutenak itxaron zerrendan geratuko dira, gerta litezkeen bajak betetzeko.

Artikuluko a) atalean aipatutako zozketa eta b) atalean aipatutako lehiaketa publikoak izango dira. Zozketa Udaltzataren Idazkariaren nahiz berak delegatutako funtzionarioaren aurrean egingo da, ekintzaren fede emateko akta egingo duena."

* Salmenta Ibiltariaren Ordenantzaren 23 artikulua b) atalari egindako alegazioa partzialki onartzea, ondorengo idazketaren arabera:

"23. artikulua, b) atala: Gainerako postuen adjudikazioa, artikuluko honetako a) atalean adjudikatu gabe geratu direnekin batera, lehiaketa bitartez egingo da, Tokiko Gobernu Batzordeak horretarako onartzen duen Baldintza-agirian ezarritako balorazio irizpideen arabera.

Salmentarako onartutako artikuluko sailen arabera, zerrenda berezituak osatuko dira. Hori horrela, hautaketa prozesuan hautatuak izan arren, adjudikazioan saltokirik lortzen ez dutenak itxaron zerrendan geratuko dira gerta litezkeen bajak betetzeko.

Artikuluko a) atalean aipatutako zozketa eta b) atalean aipatutako lehiaketa publikoak izango dira. Zozketa Udaltzatzen Idazkariaren nahiz berak delegaturiko funtzionarioaren aurrean egingo da, ekintzaz fede emateko akta egingo duena.

* Ordenantzaren Xedapen Iragankorrari egindako alegazioa partzialki onartzea, ondorengo idazketarekin

"XEDAPEN IRAGANKORRA

Erdialdeko eta Beraun merkatuetako aldizkako salmenta ibiltarirako gaur egungo baimenak indarrik gabe geratuko dira Ordenantza hau indarrean jarri eta hiru urteetara, kalte ordainerako edo bestelako ordainerako eskubiderik gabe, 2002ko salmenta ibiltarirako udal Ordenantzaren 11. artikuluan arabera.

Udalak, behin ordenantza hau indarrean jarrita, oraingo adjudikatzaleei jakinaraziko die baimenak zein egunetan geratuko diren baliorik gabe."

Trafiko eta Garraio Batzordearen proposamena ikusitakoan.

Mintzatu dira:

* Cano andreak (Atxiki Gabeko Zinegotzia) esan du sortu berri den ordenantzan halako aurrerapausoren bat ikusi dutela. Horrela, batzordean aitatu zuen bezala, begi onez ikusten dute postuak zozketa bidez esleitu beharrean lehiaketa bidez egitea, alabaina horretarako araudia egin gabe dagoenez, zalantzak zituzten, eta horregatik abstenitu ziren batzordean. Baina berori batzordetik pasako dela ere esan zenez, alegia, ez duela Gobernu Taldeak bakarrik formulatuko, konfiantza pitin bat ematearren eta, gehienbat, zuzeneko kudeaketaren aldeko apustua egiten dela ikusita, aldeko bozka emango dute.

Mintzaldiak amaitutakoan.

Udalbatzak, aho batez,

E R A B A K I D U

1. Ebaztea Gipuzkoako Saltzaile Ibiltarien Elkarteak egindako alegazioak Salmenta Ibiltariaren Ordenantzaren 13, 22 b), 23 b) artikulua eta Xedapen Iragankorra aldatuz, proposamen honen azalpen- zatian adierazten den moduan.

1. Onartzea Errenteriako Salmenta Ibiltari Ordenantzaren behin betiko testua, ontzat emandako alegazioen inguruan egindako aldaketekin batera.

3. Jakinaraztea Estatuko Administrazioari eta Euskal Autonomi Erkidegoko Administrazioari Ordenantzaren behin-betiko onespena.

4. Argitaratzea Ordenantzaren testu osoa Gipuzkoako Aldizkari Ofizialean, berri emana jaso eta 15 lanegun igaro ondoren.

6. Galderak eta eskariak.

* Ferradas jaunak (Ezker Batua-Berdeak) galdetu du, hil horretan Ogasuna Batzorderik ez denez egin, ea nola dauden Udaleko aurrekontuak, eta ea Alkateak aurrera diezaiekeen beroriek eztabaidatu eta onartzeko egutegi txiki bat.

* Merino alkate jaunak (Socialistas Vascos-Euskal Sozialistak) esan du aurrekontuak lantzen aritu direla, eta bere asmoa, martxoko osoko bilkurara eztabaidatu eta onartzeko eramatekoa dela. Gaineratu duenez, dokumentazioa usaian bezala banatuko dute, hots, ahalik eta azkarren.

* Ferradas jaunak (Ezker Batua-Berdeak) eskatu du zirriborroa nahiko denborarekin banatzeko.

* Merino alkate jaunak (Socialistas Vascos-Euskal Sozialistak) erantzun du ahalik eta azkarren banatzen saiatuko direla. Gaineratu duenez, Errenteriako Udalean ohikoa bihurtu da azken papera eman arte epeak abian ez jartzea. Hala ere, bere ustez oinarrizko eta beharrezko dokumentuak (eta ez hain beharrezkoak) daudela ideia bat egiteko. Hori ontzat joko balitz, lehenago bana zezaketen, baina espedientea osatua izatea nahi denez, epeak laburtu egingo dira, gaineratu du.

* Ferradas jaunak (Ezker Batua-Berdeak), bere taldearen bozeramaile gisa, Alkateari eskatu dio martxoaren hamarra baino lehen dei dezan ezohiko Ingurumen batzordea. Izan ere, bere taldeak duen informazioaren arabera, aurreko ostegunean Batzar Nagusietan Landa batzordeak bilera egin zuen, eta bertan, Mendietako zuzendariak argi eta garbi adierazi zuen

Aiako Harria Parke Naturaleko Ehiza Plana onartzen ez bazen, besteak beste, Udal honek proposaturiko erreserba-gunearen heren bat moztea suposatuko lukeela, eta ondorioz, leku horretan ez da, ez erreserba ez ehizako debekurik izango. Hilaren 10a aitatu du, hain zuzen egun horretan Parke Naturalaren Patronatua elkartuko delako, eta Aldundiak Ehiza Plan hori onartu nahi duelako. Horrez gain, gogoratu nahi du Plan hori aurreko urtean Aldundiak berak erretiratu zuela, besteak beste, Parkeko Patronatuan soilik ehiztariak eta Aldundiko ordezkariak zeudelako berorren alde. Azkenik, adierazi nahi du bere taldeko partaideen ustetan Errenteriako udalak Añarben erreserba naturaleko gune bat sortzearen aldeko apustu garbia egin zuela, Errekurtsu Naturalak Antolatzen Planaren barruan sartu beharrekoa, eta ez, argi dagoen moduan, Ehizako plan baten baitan utzi. Hau da, Ehizako plan bat egon behar badu, Parkeko planteamendu orokorren baitan egon behar du, eta ez Ehizako Plan baten pean. Azken finean, hori horrela egongo balitz, zalantzan ipiniko liriatekeelako Udal honek – Añarbe mendiaren jabeak direlako– zilegitasun osoarekin hartutako akordioak. Gogoratu behar da –dio– onarturiko Planaren bidez ekimen horrek 917 hektarea izatea nahi dela, eta horrek, besteak beste, Oarso Udal Aldizkariaren azalean ezartzeko balio izan zuelako, gero 16. orrialdean ongi aski zehazteko. Adierazitako guztiagatik hain zuzen ere, eskatzen du Ingurumen batzordea hilaren 10a baino lehen egiteko, hain justu Udalaren ordezkariak Patronatuan defendatuko duen jarrera denen artean erabakitzeke.

* Merino alkate jaunak (Socialistas Vascos-Euskal Sozialistak) uste du Ferradas jaunak (Ezker Batua-Berdeak) arrazoiak duela eta egin behar dela. Jarraian, barkamenak eskatu ditu, zeren eta teknikaria uste baino denbora gehiago gaixo egon delako, ezin izan dute batzorde hori egin. Hala ere, badute datuak, Batzar Nagusietako afera eta Aiako Harrikoaren berri, eta kontua presazkotzat jotzen dute. Horregatik, eskaera dagokion delegatuari pasatuko dio, data horretarako, ziur aski, teknikaria itzuliko ez bada ere.

Edonola ere, zerbait egin behar dute, ezin direlako bilera horretan isilik geratu.

Ferradas jaunak (Ezker Batua-Berdeak) Alkateari eskatu dio, ahal denean eta idatziz bere taldeari aurre asteburuan Udalak argitara emandako gehigarriaren zenbat kosta den, baita Oarso Aldizkariaren kostu osoa.

* Merino alkate jaunak (Socialistas Vascos-Euskal Sozialistak) lehenbailehen emango diotela.

* Murua jaunak (Atxiki Gabeko Zinegotzia) esan du ebazpenen artean aurreko puntuarekin lotura duten bi aitatu dituztela. Horrez gain, aurreko Udalbatzan eskatu zuten aurrekontu luzatuaren kopia bat, eta oraindik jaso ez dutenez, jakin nahi dute ea zenbat denbora pasa behar den dokumentazio hori jasotzeko.

* Merino alkate jaunak (Socialistas Vascos-Euskal Sozialistak) ez dela dokumentu berri bakar bat ere. Izan ere, Kontu-hartzailea, batez ere, 2010erako Aurrekontua ixteko lanetan ari da, eta beraz, ez da bestelako dokumentu berririk egin. Horregatik, ez Murua jaunak, ez beste zinegotzi bakar batek ere, ezta, bera Alkatea izanik, ez du Aurrekontuaren egoera argituko duen bestelako dokumenturik.

* Murua jaunak (atxiki gabeko zinegotziak) esan du, bere irudiko, erantzukizun-kontua dela. Alkateak eta gainontzeko zinegotziek indarrean dagoen Aurrekontuaren berri jakin nahi ez badute, euren arazoa da. Atxiki gabeko zinegotziek jakin nahi dute, eta Alkatetzaren ebazpenei buruzko puntuan esan duten moduan, Alkateak badaki hainbat partida aldatu dituztela, eta gehitu dituztela, kreditu gehigarriak izan

direlako. Informazio hori ez zaie Atxiki gabeko zinegotziei iritsi, gaineratu du. Alkateak ez badu nahi, bere erantzukizuna da, baina dokumentazio hori oposizioari eman behar dio fiskalizazio-lana egin dezan.

* Murua jaunak (atxiki gabeko zinegotziak) esan du Ferradas jaunak (Ezker Batua-Berdeak) bezala, jakin nahi duela Oiarso aldizkaria zenbat kostatzen den, zein irizpidepean banatuko den eta banaketak gain kostua suposatuko duen.

* Merino alkate jaunak (Socialistas Vascos-Euskal Sozialistak) Ferradas jaunari (Ezker Batua-Berdeak) erantzun dion bezala, esaten dio eragin dituen gastuak, zein partidari erantsi zaizkion, etab., etab. pasako diola. Izan ere, gorabehera guztien gaineratik, normal funtzionatzen saiatzen ari da, baita arlo horri dagokionean ere, nabarmendu du.

* Angulo jaunak (atxiki gabeko zinegotziak) esan du otsailaren 20an Diario Vascorekin batera Errenteriarri buruzko publizitatea argitara eman zela. Bertan Udalaren iragarkia agertu zen eta horrek pentsarazten die Udalak zerbait ordainduko zukeela. Horregatik zera jakin nahi dute: ea Udalak dirurik jarri duen eta noren ardura den hori argitaratzea. Gainera, bi kontu bitxi gertatu direla iruditu zaie: alde batetik, euskararen zatia oso urria da, hor irizpide batzuek markatuta daudelako. Eta bestetik, kultura-ekintzetan -pila azaltzen dira- ez dira azaltzen jende askok parte hartzen duen lau ekimen (Emakumeen Eguna, Sagardo Eguna, Erromeria Eguna eta Olentzero). Euren susmo txarra hartzen diote, ikusten denez, norbaiti ahaztu zaizkiolako egun horien berri ematea. Horregatik, jakin nahi dute ea Udalak publizitatea ordaintzeko dirurik jarri duen, nork erabaki duen eduki horiek ateratzea,

ea zergatik ez diren errespetatzen euskararen irizpideak eta zergatik egiten diren bazterketa horiek.

* Merino alkate jaunak (Socialistas Vascos-Euskal Sozialistak) esan du kostuei buruz egin zaion hirugarren galdera dela. Uste du gazteleraz dezente ulertzen duela, eta beraz, nahikoa zela batek egitearekin. Hiru gehitxo iruditzen zaizkio. Hortaz, erantzuna hirurentzat berdina da: emango dute. Edukiei dagokionez, berriz, ez du uste itun filosofikoa denik. Berak ez du sekula ikusi buletin baten inguruan hainbeste galdera egiten. Izan ere, asko argitaratzen dira, arraroa delako asteburuetan prentsan edozein erakunderena ez azaltzea, denek ere formatu berarekin. Gaineratu duenez, dagokion komunikabideak –kasu honetan Diario Vasco– nahi duen erara antolatuko zukeen. Buletin horren helburua, batez ere, merkataritza sustatu eta ezagutzera ematea zen. Berari, gaian aditua izan gabe, oso ondo egindako lana iruditu zaio.

* Queralt jaunak (Atxiki gabeko zinegotzia) esan du hilaren 9an Udalbatza gonbidatua izan zela –gutxienez berak gonbita jaso zuen– Añarbe Mankomunitateak Merkatuzarren antolaturiko erakusketa bat inauguratzera, bere iritziz, oso interesgarria delako, ikustea gomendatzen duena. Gaineratu duenez, eskualdeko zinegotziak ere gonbidatuak zeuden. Bera, ordea, harrituta geratu zen Alkatea ez zegoela bertan konturatu zenean. Gainera bere harridura areagotu egin zen biharamunean prentsan, Diario Vascon, zera irakurri zuenean: *"La exposición se inauguró ayer en Merkatuzar con la presencia del Alcalde de Errenteria Juan Carlos Merino, el Concejal de Medio Ambiente Luís Andrés y Enrique Noain en calidad de Presidente de Aguas del Añarbe"*. Hau da, goizez inaugurazio bat egin zen, eta gainontzekoak –gortea, alegia– arratsaldean joan ziren. Jakin badaki kanpainaurrean edo daudela, baina Añarbeko Uren erakusketa bezalako kontu neutrala, argazkia eta guzti, hauteskunde aurreko ekitaldi bat bihurtzea, ez zaio

batere bidezkoa iruditzen. Eta Merino alkate jaunari (Socialistas Vascos-Euskal Sozialistak) eskatu dio aurrerantzean kontu pixka gehixeagorekin ibiltzeko.

* Merino alkate jaunak (Socialistas Vascos-Euskal Sozialistak) esan du lehenbiziko gauza bat esaten dutela eta gero bestea. Hots, lehenbiziko ez izana leporatu diote, eta gero, aurre-ekitaldi bat izan zela. Azkenik -bi aldiz errepikatu du-, Añarbeko Uren Partzuergoak antolaturiko erakusketa bat zela, eta beraz, haiei galdetu behar dietela zergatik antolatu zuten modu horretan. Ondoren, esan du, erakusketa aldeztu aurretik Donostian egin zutela, gero Errenteriarara ekartzea begi onez ikusi zuten, eta ondoren, Añarbe Partzuergoko beste herri batera eramango da. Eta, berriro dio, Añarbek antolatu zuela eta aldeztu aurretik hedabideetan atera zela, eta bertan aurkezpena zein egunetan eta zein ordutan egingo zen esaten zela. Añarbek modu horretan antolatu zuen -bera ez da sartzen erantzukizunik ez duen kontuetan-, usaian Udalak beste modu batera egiten badu ere. Bera gonbidatu zuten, eta, jakina, joan egin zen. Horrez gain, Oarsoaldeko gainontzeko udalak ere gonbidatu zituzten, hori ere ohikoa ez izan arren. Haatik, "hatsa" hartzen duen aldiro kanpaina egiten ari dela leporatu behar badiote..., ba, berak, urte osoan bezala, ekintzak eginez, ageri den moduan, jarraituko du. Ateratzen dela eta ez daki zer gehiago egin duen leporatzen diote, baina bera ez da harritzen, gauza bera egiten ziotelako aurreko urtean. Beretzat hori ez da nobedade, eta normaltasuna mantentzen saiatuko da.

* Queralt jaunak (atxiki gabeko zinegotziak) esan du, gero zertarako baliatuko duen ez baldin badaki ere, ekintzen bidez "book" bat egiten ari dela.

* Merino alkate jaunak (Socialistas Vascos-Euskal Sozialistak) bakoitzak egiten duen bezalaxe, erantzun du. Gaineratu duenez, berak ez daki Errenteria beste galaxia batean ez ote dagoen. Izan ere, jendeak zer egiten duen

iragarritz hainbat buletin ateratzen dira, eta beretzat hori normala da. Atxiki gabeko zinegotziak arduratzen baitira non dauden zuloak, nondik ateratzen den eguzkia, etab., esateko. Bera, Alkatea izanik, Udalak egiten dituen eta herritarren onuragarriak diren gauzak ezagutzera ematen ibiliko da. Ez bazaie gustatzen sentitzen du. Atxiki gabeko zinegotziak Alkatetza dutenean gainontzeko zinegotzietan esango diete zer egiten duten gaizki, gaineratu du.

* Queralt jaunak (atxiki gabeko zinegotziak) ziurtatu du eurek daudenean ez direla argazkietan hainbeste aterako.

* Merino alkate jaunak (Socialistas Vascos-Euskal Sozialistak) doan dela, esan du.

* Cano andreak (atxiki gabeko zinegotziak) esan du Arartekoaren otsailaren 4ko idatzi baten berri izan dutela. Bertan esaten da duela urte bat beste idatzi bat bidali ziotela Udal honi kexa baten berri emanez eta hori argitzeko eskatu zitzaiola Udalari, eta urte pasa ondoren, oraindik ez dutela erantzunik jaso. Eta modu honetan jardunez, Arartekoaren eginkizuna oztopatzen ari dela Udala. Orduan, eurek jakin nahi dute zergatik iritxi den egoera horretara, eta zergatik oztopatzen den bi erakundeen arteko elkarlana.

* Merino alkate jaunak (Socialistas Vascos-Euskal Sozialistak) esan du datu gehiago ez badio ematen ezin diola erantzun.

* Cano andreak (atxiki gabeko zinegotziak) esan du herritar batek Miguel Zabaleta kaleko garbiketaren inguruan eginiko kexa bat dela.

* Merino alkate jaunak (Socialistas Vascos-Euskal Sozialistak) esan du Udalak egiten dituen egintza guztiez

buruz hitz egitea arriskutsua dela, alabaina, oker ez badago, uste du prozesuaren une batean erantzun zitzaiola. Geroztik, Arartekok erantzun die, esanez, erantzuna ontzat ematen zutela, nahiz eta, lehenago erantzun behar zela pentsatzen duten. Edonola ere, uste du kontua artxibatuta geratu dela.

* Alvarez de Eulate andreak (atxiki gabeko zinegotziak) esan du, oker ez badago, urtarrilaren bukaeran prentsan irakurri ahal izan zuten TAO eremuan aparkatuta zeuden ibilgailuak Garabiak eraman zituela. Imajinatzen du ez ordaintzeagatik edo denbora pasatzeagatik izango zela. Berak kontu horrekin bi galdera egin nahi ditu: bat, ea egia den, eta ea legezkoa den ez ordaintzeagatik edo ordua pasatzeagatik Garabiak autoa eramatea.

* Merino alkate jaunak (Socialistas Vascos-Euskal Sozialistak) esan du erreklamazio horren berri baduela, nahiz eta ez den gogoratzen nola iritsi zen Udalera. Gaineratu duenez, Trafiko Sailari informazioa eskatu zion, eta handik zera erantzun zioten: Legearen arabera, TAO gunetik ibilgailuak eraman litezke baldin eta tiketa ez badu ordaindu edo hiru bider igaro badu ordaindutako denbora.

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 09:20 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, _____zenbakitik _____ra, eta nirekin batera Alkateak sinatu du. Egiaztatzen dut.